

欽定大清會典事例

卷

七百五十七至
七百六十一

刑部

戶律倉庫

欽定大清會典事例卷七百五十七

刑部

戶律倉庫

錢法

錢法。○凡錢法。設立寶源寶泉等局鼓鑄制錢。內外俱要遵照戶部議定數目。一體通行。其民間金銀米麥布帛諸物價錢。並依時值。聽從民便。使用。若阻滯不即行使者。杖六十。其軍民之家。私畜銅器。除鏡子軍器及寺觀庵院鐘磬鐃鈸外。其餘應有廢銅。並聽赴官賣。每斤官給銀七分。增減隨時。若私相買賣及收匿在家不赴官者。答

四十。

附律
條例

一。各省開採銅鉛。令道員總理。府

佐官分理。州縣官專管其事。凡產銅鉛之處。聽民採取。稅其二分。造冊季報。所贍八分。任民照時價發賣。有墳墓處所。不許採取。如有不得銅鉛及不便採取之處。該督撫題明。停其採取。其各州縣產銅鉛之山。令地主報明採取。地主無力開採。聽本州縣報明採取。州縣無匠役。許於鄰近州縣雇募。該州縣自行稽查。如有別州縣民人夥衆越境採取。聚至三十人以上。為首者發近邊充軍。為從枷號三月。杖一百。不及三十

名者。為首枷號三月杖一百。為從滿杖。衙役恣

意攪擾。致人裹足者。為首枷號兩月。發附近充

軍。為從減一等。

謹案此條雍正五年定。乾隆五年。於停其採取。刪道府佐

貳官得所稅銅鉛十萬斤以上。州縣官得五萬

斤以上。俱交該部照例分別議敘。若上司誅求

逼勒者。事發從重議處五句。如有別州縣民人

下增夥眾二字。越境採取下。增聚至三十人以

上四十三字。原文末二句為首。一。銷毀制錢。

者斬立決。為從絞監候。亦改定。地方官嚴密稽查。毋致潛藏。如怠忽疏縱。不行

查出。或被旁人首告。將該地方官革職。至黃銅
器皿。除樂器圓鏡戩子外。其餘不准使用。現在
所有銅器。悉令交官給價。違者以私藏禁物律

治罪。若鋪戶人等。製造黃銅新器出賣者。照銷毀制錢為從例。治罪。○一。一品官員之家。器皿許用黃銅。其餘概行禁止。如有藏匿私用不肯交官者。以違禁論。○一。民間交納銅器。俱按其斤兩。給以頒定價值。不得絲毫扣剋。亦不得以重稱令其虧折。所買銅器斤兩。每年歲底奏聞。其所發價值報部奏銷。如有侵蝕扣剋等弊。該督撫即行題叅。從重治罪。○一。各省民欠。自康熙五十一年至雍正二年。有至二十萬兩者。准令欠戶交納黃銅扣抵。其所交熟銅。每斤以一錢

一分九釐九毫三絲計算。生銅每斤以九分五釐五毫四絲四忽計算。如有銷毀制錢充作廢銅者。照律治罪。若地方官有將已資收買黃銅器。著解交收銅公所。按生熟銅斤。給予價值。儻有借捐買名色。以賤價收買民間銅器者。該

督撫即行題參。交部嚴加議處。

謹案以上四條均係雍正五年

定例。乾隆五年。查銷毀鑄錢。備載刑律私鑄銅錢例內。毋庸複出。禁用黃銅器物。已於乾隆二年停止。至雍正二年以前民欠。亦經豁免。交銅抵扣之例。業已不行。四條均刪。○一。各

省承辦銅斤遲延。照侵欺錢糧律治罪。

謹案此條雍正

十年定。乾隆五年。查自康熙五十五年至雍正十年。共欠交銅斤六百四十餘萬斤。因設此例

嚴追。隨即奉
舊辦理。非永著為例也。

旨以後照
刪。

○一。承辦銅商

逾限。並無貨物出口。或非採易銅斤之貨。嚴拏

究處。著落追賠。其進口之時。或非原出口地方。

該汛地方官立速查報。並知照原出口之該汛

官弁。勒催起解。儻有侵挪隱匿之弊。將該商從

重治罪。儻辦員侵欺扣剋。串通蒙混。以致姦商

挪新掩舊。督撫據實題叅治罪。上司徇隱。一併

交部議處。

謹案此條係雍正十一年定。

○一。雲南等省銅廠。

經放豫給工本銀兩。如課長鑪戶有剋扣分肥
侵吞入己情弊。審究確實。即照常人盜倉庫錢

糧例計贓科罪。將家產查封變估抵補。仍責成

該管之員實力稽查。儻該管各員徇隱不究。查

出即行指名題叅。

謹案此條係乾隆三十七年定。

○一。京城銅

鋪。私造五斤以上銅器售賣者。照收匿廢銅不

赴官律答四十。官民人等。除鼎彝樂器等件外。

如私藏五斤以上銅器者。係民與私造同罪。係

官交部照例議處。銅器俱入官。其官員銅器在

三斤以上。民人銅器在一斤以上。查出一併入

官。免其治罪議處。儻胥役藉端訛詐。照蠹役詐

贓例治罪。

謹案此條同治三年定。

○歷年事例雍正三年

諭制錢乃日用之所必需。務使遠近流通。始便民用。京師錢局每歲鼓鑄。則制錢應日加增。今雖不致缺乏。聞各省未得流布。民用不敷。是必有銷毀官錢以為私鑄者。且聞湖廣河南等省私鑄之風尤甚。為此特頒諭旨。著直隸及各省督撫。申飭該地方官密訪查拏。嚴行禁止。毋使姦徒漏網。儻稽查稍疏。仍蹈前弊。一經訪覺。定將大小官吏分別從重治罪。爾督撫不可視為具文。當實力奉行。嚴行禁緝可也。私鑄治罪之例。當如何嚴定律條處。著詳議具奏。欽此。遵

旨議准。私鑄之錢。必藉經紀為之興販。鋪戶為之攬和。

始得流布。應通行提督五城大宛二縣並直隸各省。多張告示。嚴行曉諭經紀鋪戶人等。嗣後私錢不許攙和一文。其從前有收買在家者。准於示到一月內赴官首明。量給官錢半價。將私錢暫行存庫。歲底彙報戶部。候文銷解。若一月後不行出首。仍敢攙和行使。或被該管官員查拏。或被旁人首告。不論錢數多寡。俱發黑龍江給披甲人為奴。至地方文武各官。但能拏獲私鑄者。不論年月遠近。免其處分。即同城各官之處分。亦俱寬免。交界之所。此縣拏獲。彼縣亦免。

處分。其果能實心查拏者。不論本管地方及別州縣。准以拏獲之多寡。交部量予議敘。若該地方官仍前怠玩。一經發覺。仍照舊例處分。○乾

隆三十一年

諭。據額爾景額等奏。從前葉爾羌每銀一兩。換普爾錢一百文。自去秋有喀什噶爾阿克蘇和闐等處商人。攜帶貨物赴葉爾羌貿易。並不購買別物。帶錢而回者甚多。故自冬季起。錢價漸昂。每兩僅換普爾錢七十八十文。現在動用葉爾羌庫存錢文。每兩合普爾錢九十文。止給官兵。不准姦商竊換。以平市價等語。著

傳諭額爾景額。嗣後如有似此故昂錢價牟利匪徒。必須嚴密查拏。從重治罪。其貨物查明入官。以示懲儆。並著通行傳諭伊犁各回城將軍大臣等。一體遵行。毋得姑息。○嘉慶十六年

諭

桂芳等奏滇銅成色低潮請旨飭查一摺。滇省辦運京銅。前經該部奏定。自甲子運為始。在滇鎔鍊純淨。不得攙雜潮砂充數。並鑿鑿廠名。以憑稽考。今據戶部查明滇省運員荆烜樓錫裘李成禮解到銅斤內。各有鐵砂潮銅二三萬斤不等。此項低銅。係由何廠發運。何員承辦。此次該運員等呈出印冊內多有舊

銅搭配。曾否報部有案。因何不照議鎔煎。並鑿鑿廠名。著伯麟孫玉庭據實確查明白回奏。如係廠店及領運之員有通同蒙混情弊。該管道府稽查不實。著查明將應行議處罰賠之處。一併叅奏。○道光三年諭。御史龔綬奏請查禁私銅以裕鼓鑄一摺。所奏是銅斤為錢法所關。必須認真整頓。近來滇銅漸形短絀。各省採辦不及。本年貴州湖北先後奏請暫停鼓鑄。固由物產豐歉有時。亦由私銅充斥積弊未除之故。如該御史所奏。滇省姦商盤踞各廠。鑄銅為鑼鍋。轉發各處行銷。每件重三四十斤。形質粗具。謂之鑼鍋。

銅鑄器之外。又鑄小錢。攙雜使用。各衙門胥役。多與
勾通。地方官欲查拏私錢。鋪戶徒受其累。而姦宄之
徒。從無一人獲案。自係該省實在情形。不可不嚴行
查禁。著明山等隨時嚴密稽查。通飭文武員弁。嚴緝
私銅。尤在遴委明幹廠員。令其平日留心訪查。俾姦
商咸知斂戢。私銅漸息。則官銅自裕。於各省採辦。可
期無誤。明山等如能盡心認真查辦。俾積年私鑄之
弊消除。方為不負委任。○五年

諭

御史熊遇泰奏請嚴禁銷毀制錢銅斤一摺。國家錢
法。原期足用阜民。私鑄私銷。例禁綦嚴。而私銷之弊。

較私鑄為尤甚。近來京師及各省地方。尚有以私鑄查拏破案者。而私銷姦徒。從未緝獲懲辦。如該御史所奏。姦民暗毀制錢。打造銅器。如炭鑪一件。自數十斤至百餘斤不等。皆以黃銅為之。又有以制錢裝入煙煤鍋內。煎熬成水。而化綠色顏料者。有以制錢藏入地窖。鹽醋浸爛。而成顏料者。是一錢不得一錢之用。徒為姦民射利之資。所言深中時弊。每年錢局按卯鼓鑄。而錢不加多。錢價日漸增昂。其弊實由於此。從前康熙雍正年間。屢頒成例。除軍器樂器及民間必用之盆鏡刀環等件。在五斤以下者。准其造製。此

外一應大小器皿。概不得擅用黃銅。原所以杜私銷而裕鼓鑄。今則例禁久弛。流弊滋甚。且現值滇南廠銅採運不易。豈可以流通之國寶。任其消耗。著通諭步軍統領順天府五城及直省督撫等。務將私銷之犯。設法查拏究辦。毋稍懈弛。其軍民人等應用器具。除現用已成銅器不議外。嗣後製造黃銅器皿。務照成例。概行嚴禁。如有違禁射利之徒。即行查拏懲治。並飭胥役不得藉端滋擾。以杜姦私而維錢法。○又諭。前據御史熊遇泰奏請嚴禁銷毀制錢銅斤。當經通諭各衙門嚴拏私銷人犯。並將違禁射利製造銅器

之徒。查拏懲治。茲據戶部查明傾銷制錢一千。僅贖銅四斤有零。成造器皿。必須火耗人工。詳細覈算。所得不償所費。至禁銅舊例。原因從前滇銅未旺。是以申令綦嚴。自乾隆年間。滇銅增至六百餘萬斤。並准運員將餘銅納稅出售。通商便民。加以雲南四川等省。廠銅除抽課外。商人按成售賣。京師市肆收買者。為數不少。是街市銅器。並非出自私銷。此時若再行申禁。逐戶挨查。事涉瑣屑。其製造銅綠所用。亦復無幾。紛紛查辦。更多滋擾。著通諭步軍統領及順天府五城暨各直省督撫。除匪徒私銷私鑄。仍行認真懲